



來報云大城方面少數敵兵已爲我軍擊退於是獨立馬隊長復繼續北進

北軍獨立馬隊大隊抵菓子窪時得前面馬探之報曰敵軍馬隊之一部正中已達龍化店其後面似尙有馬隊陸續前來於是獨立馬隊長決心向龍化店轉進及至八里鋪即將其隊伍展開於道路之西以周莊爲目標整隊前進而南軍馬隊之大隊此時亦由周莊整隊北進互相急進遂在太平莊西方衝突

南軍兵力較少展開動作遲緩爲北軍所挫折遂退至商家林附近得步隊之援助而阻止北軍追擊北軍迫至龍化店附近停止整列其隊伍是夜南軍馬隊在高家林北軍馬隊在龍化店各擇地宿營

軍隊區分

前護

司令官步隊第一標統帶官李純

步隊第一標(少一營)

馬隊第一標第一營之一大排(少五名)

大隊(按行軍次序)

右縱隊司令部(附馬兵五名)

步隊第一標第三營

砲隊第二營

步隊第二標

工程隊第三營之一部

衛生隊三分之二

電信隊二分之一

輜重隊(假設)

宮門抄

十月初五日 內務府 國子監 廂監值日無引 見  
鐵良由河間府回京請 安 溥儀阿克東阿各續假  
十日 奉 山劉嶽雲預備 召見 內務府呈進九盒  
關防衙門奏十五日 大高殿拜表恭王行禮 內  
務府奉派致祭 火神廟 派出增崇 又奏派致祭  
內外城隍廟 派出英瑞文煦 又奏派致祭 四廟  
派出恩輝德壽慶麟承蔭 召見軍機 奉 山 劉嶽

十月初六日京電本日 召見軍機 沈潛 無閣抄

諭旨

十月初五日奉

上諭奉 奏查明庸劣不職武員請分別懲處一摺廣東補  
用副將姚秀芳貪鄙營私不知自愛管帶廣東續備軍兩江  
推補副將朱義勝庸庸拘泥貽誤地方候補副將廖廷賢捕  
務懈弛沾染習氣毛羽與貪婪任性任意妄為增城營將  
杜淦任性妄為不諳營務平海營將吳瑞植任用非人辦  
事草率潮州鎮遊擊方綏德虛偽巧猾無能水師提標  
補用遊擊張福貴才具平庸頗有嗜好香山協都司王業清  
藉端扣餉行為巧猾永安營都司宋展舒聲名平常營務玩  
懈候補都司李龍佑出身不確庸庸無能魏光曜年貌不符  
技藝劣著署石城營都司儘先守備楊鴻飛縱兵騷擾敗壞  
營規潮州鎮標守備廣安老無恥虧短公款馬定邦庇匪  
營私陰險狡滑署南澳鎮標遊擊肇慶協守備成熙心地糊  
塗不堪造就著羅定協守備蔡錦文近利營私聲名甚劣陽  
江營守備鍾榮陞才識庸闇一無足取督標守備梁錫侯捕  
務廢弛才具庸懦水師提標守備許朝泰身體疲弱不守營  
規大鵬協守備麥國棟庇縱匪串同擄索順德協守備鄧  
勝川緝捕不力且有嗜好清遠營守備黨秀升取媚上司扶  
同弊混候補守備翟榮昌辦事疲緩難期振作莫友勝保案  
含糊動輒昏瞶徐國揚匪分肥被控有案焦益堅言語鹵  
莽心氣粗浮洗芳桂精力孱弱言語支離莊家奎虧缺鉅款  
胆大妄為溫桂祥身家不清鑽營濫保馮錦榮縱盜匪橫  
肆貪婪潘芳勝庸懦無能任意粉飾大鵬協守備劉鴻謀假  
公濟私膜視捕務香山協千總李名環貪鄙奸利人復刁狡  
肇慶協千總黃崇業嗜好太深水師提標千總歐陽葵捕務  
廢弛靈山營千總中福保奸險狡猾營私玩公撫標候補千  
總劉仕元言語不清精神萎靡督標候補千總徐占林獎案  
支吾不諱操法鍾興與溺於嗜好楊再生舉動張皇前署新會  
營守備補用千總鄭國柱虧欠公款潛回原籍均著即行革  
職姚秀芳杜淦方綏德張得貴王業清李龍佑魏光曜楊鴻  
飛成熙蔡錦文鄧勝川莫友勝莊家奎溫桂祥梁鴻謀李名  
環黃崇業中福保劉仕元徐占林鍾興與均著永不叙用並不  
准投効軍營廣安馬定邦麥國棟徐國揚均著歸案嚴訊究  
辦馮景榮鄭國柱並著嚴緝務獲究懲香山協副將李思經  
告假回籍久不到粵著即開缺潮州城守營都司劉鳳儀庸  
闇無能瓊州鎮左營守備邱錦玲年力就衰均著開缺勒令  
休致海門營中軍守備李大倫營務生疏瓊州協水師守備  
謝瑞麟槍法未精督標左營左哨千總陸謙技藝平常廣  
州營左營左哨千總哈彥才欠開展均著開缺學習督標

候補遊擊劉維貞年力衰弱才具平常督標候補守備李朝  
政短於才識廣州協左營候補千總羅卓堂庸碌無能督標  
候補千總馮淦才無足取均著勒令休致餘著照所議辦理  
該部知道欽此

上諭奉 奏兩廣廣西不職文員一摺廣東赤溪同知李  
達璋私用門丁過案苛罰候補同知周嵩慶辦理稅務舞弊  
得贓署香山縣知縣柴廷澄辦事疲緩玩視學務河源縣知  
縣鍾鍾瑞藉端巧取捏造信實縣知縣侯知縣侯知縣朱  
寶文縱容幕僚罔恤民瘼署信宜縣知縣侯知縣侯知縣東多  
疏敗壞政紀署增城縣知縣王會中不諳交涉政事廢  
弛署海康縣知縣知縣金鴻瑞玩視人命藉案營私吳川縣  
知縣鄭受康辦事因循玩視捕務恩平縣知縣陳清源濫開  
才庸辦事糊塗署靈山縣知縣潘志裘辦理鄉鄰滋擾民怨  
沸騰東安縣知縣許福康貪酷糊塗濫斂人命澄海縣知縣  
杜慶元遇事敷衍疲軟巧猾署新寧縣知縣陳益遇案  
受贓言多詐偽署廣西平南縣知縣王道激巧詐欺朦  
諸多弊混署廣西靈山縣知縣陳經行止輕佻難資訓迪候  
補縣丞翁瑞帶勇騷擾恣肆妄為試用縣丞陳德明性近輕  
浮言多躁妄南海縣江浦司巡檢趙錫齡狃於疲玩劣聲甚  
著候補巡檢李炳輝聲名甚劣不恤人言調署順德縣典史  
高要縣典史孔培疏脫要犯有乖職守連平州忠信里司巡  
檢王為深辦事粗率頗滋物議連平州長古里司巡檢羅祖  
蔭聲名平常固知自愛新寧縣知縣李烈辦事顛倒輕釋匪  
犯試用從九品章光耀遇事招搖行為荒謬龍川縣典史顧  
輝康交結訟棍縱子橫行試用巡檢林兆祺吞匿捐款捏報  
影射候補知事李廷鈺縱子招搖聲名狼藉候補巡檢李  
逢春膽大妄為貪鄙無恥廣西恩恩縣知縣劉家聲不理  
人口有玷厥職署梧州縣知縣行鄉司巡檢盧棟雲肆意橫  
幾釀事端崇善縣知縣盧巡檢陳謙樂性情粗鄙難於造就  
鳳山土州同章述勤事多敷衍操守平常署宜山縣白土司  
巡檢楊繼善耳聞無能固知振作試用典史俞徵好弄刀筆  
包攬詞訟均著即行革職周嵩慶金鴻瑞許福康陳益遇  
並著永不叙用姜鍾瑞許福康陳益遇並著嚴拿歸案審辦廣  
西案未結著歸案究辦徵章光耀並著嚴拿歸案審辦廣西  
候補知府劉錫珍聲名平常難資表率廣東開缺另補直隸  
州知州劉耀光庸碌任性辦事乖方准補樂會縣知縣查榮  
耀才具平庸難勝民社均著以府經歷降補署潮陽縣候補  
直隸州知州俞煥精力就衰溺於嗜好著勒令休致餘著照  
所議辦理該部知道欽此

電報

西十一月一號倫敦來電  
中國駐英欽使宴會英員甘德瑞列坐第一其次為利特爾司  
麥斯布拉克并他國官員主人因英日兩國聯盟乃向日本公  
使及英外部大臣薩斯唐侯爵致賀并向薩大臣云德國撤退  
膠州駐兵應請貴國亦將威海衛之兵撤退

朝報云日本所籌之國債二日內即可發現日本駐英大臣  
宣言現在日本尚未擬定籌借新債

要聞

德皇請各國撤去屯駐中國北  
方之兵隊

益聞西報載德華電文云德皇擬請 各國將屯駐中  
國北方之兵撤去之議已經 各國應允一切  
至如何撤法仍由駐北京各國使及各統帶兵官劃定

日本允撤中國駐兵  
西十一月一號路透電云德京柏林消息現在日本政府答覆  
德政府 已允將屯駐中國北方兵隊撤回  
惟保護使館之兵不在此例

政府注重蒙古之計畫  
京津太晤士報云有某國武員與中國官場中人云及俄人  
現在極力講習蒙古語言文字 并擬與蒙古  
人親密接交 聞中國政府得此信後即電告駐藏大臣  
并蒙古各親王等云所有該處關於 礦務鐵路 一切事  
宜概由政府 自籌辦法 若無政府允許概不准與外人  
私立合同以免利權外溢并擬派通達 武備警察礦  
務鐵路以及理財治民之官吏數員前往蒙古  
幫助各親王并駐紮該處都統副都統等舉辦一切要政

秋操外論  
譯九月二十八日益聞西報  
此次秋操足為中國前途實為星期一起開操至今日止其調  
動操法之進步為中國從前所未有閱操之各西人皆震驚其  
操之合法蓋因其往觀欲尋出瑕疵以為評論西人向來視  
中國之兵隊近十五年來泰西諸練軍務之人皆懷輕視之意  
經此次閱操之後皆謂中國新練之兵隊不期進步之迅速儘  
可認真試驗西人閱此大北方之軍金稱可與泰西高兵家  
程度比較蓋北方之軍已將達於極點矣新軍操練之好處在  
乎各能奮勇保全國軍之名譽比之前五年中國之軍皆無此  
等思想西人從前議論謂中國無人能訓練出精銳之軍經此  
次則從前之議論全行廢息中國北方現有此勁旅若中國各  
省皆有一勁軍如此者則中國可稱強兵之雄國由此可令  
各強國欽敬北京政府前所失之威權亦得而恢復矣此一星  
期所演習操練可知中國如日本能將他國新法武備仿效其  
長處本館所言皆係閱操練軍軍事專門家之所評論今日可  
知凡人之能力倘有機會與以自強無論黃白種人皆同一體  
從此後歐洲視亞洲人之意念成為今昔此次亞東之復興  
掃盡從前之積習矣

各國之屯軍非不欲撤回而其意有不能驟然撤去之勢者觀  
此次秋操之後各國可以放心撤去屯軍將此保護之責交與  
中國肩任現聞得各國駐京欽差會商撤兵之事并與中國政  
府商議一切謂此次應撤屯兵之期德國皇帝經已倡議為首  
請各聯邦允准此議各國經已承認此事現在中國情形可以  
安穩極為滿意庚子之變各國聯軍初議暫時辦法不料屯紮  
至今日之久此次之能相信皆係 皇太后 皇上及  
執政大臣足以孚眾人之望回思當日外國武員執掌權力之  
時所作之事留為型式而中國衰宮保及各執政大臣均能彈  
精竭慮以為取法由各國之型式中國均受絕大利益各國相  
信中國政府之能自立而辦事可不倚賴人助矣自前三四  
年以來中國政府各員均能奮力改革從前積習若持此方針  
一往向前可期各政治日有進步也

本埠新聞  
欽使來津消息○唐少川欽使由印度回國于上月二十八  
日乘廣大輪船滬滬暫駐招商局北棧聞日內取道河南閱視  
黃河鐵橋後即行來津

車站紀事○駐津德國馬隊六十餘名初六日早九點鐘時  
在新車站附近操演行軍野戰攻守之法至十點半操畢回營  
△高陞等棧在津購辦牛一百一十餘隻又雞九千餘隻均於  
初六日由津運往奉省

福建常備軍第一鎮統制孫道仁同參謀官馮君中軍官張  
君及營哨各員前往河間閱操回津隨於初六日乘早車晉京  
再乘火車由漢口回省

巡警紀事○南段巡警局提調王琴齋觀察現已總辦警務  
學堂所遺提調事宜昨奉趙督憲札委候補直隸州陳之  
培直刺接辦昨日直刺已入局視事矣

△南段巡警第二局一區巡官張世鈞昨奉總局撤委至遺  
差奉派何人尚未詳悉

△南段督操官史寬城都戎兼派警務學堂督操事宜已紀昨  
報茲悉史都戎每早八點鐘操演頭班學生四十名下午一點  
鐘操演二三班學生一百三十名操場先借道署西箭道地方  
●督轅牌示○諭指分長蘆鹽運使程開運知悉定於本月初  
八日自帶白摺三扣來轅試寫履歷以憑核咨特示

●定期旋省○新授浙江藩台寶方伯訂於初八日旋省交卸  
直隸藩司篆務

●省立女學○前省城擬創興女學以開風氣惟維維於經費未  
能議定現已酌提全節堂之款立女學堂一所派員來津查取  
女學課程定期開辦

●荒嬉被罰○銀元局半日學堂學生李相豫於初五日請假  
回家後經局憲查明實係無故荒嬉並非家中有事暴棄自甘  
殊難造就因即飭緝革條揭示局門以昭警誡

●差提印契○初五日前有縣差二名押解張姓二犯赴義  
領事府提查印契當經義官飭差刻下清丈地界礙難領契  
云云

●義設電杆○義大利在新車站僱工堅立高杆有知者謂  
係安設無線電云

●北京新聞  
鐵橋觀成○外務部已照會各國駐京欽使云於西十一月  
初十日舉行黃河鐵橋告成之典擬請各欽使前往觀閱屆時  
各欽使或親往或派代表刻尚未定

夫自古迄今男婦貌之美者指不勝屈雖俊秀生於天姿而修飾亦由人力也此膏能潤皮膚去風塵

而愛慕雖老顏皮皺用此膏能利血色返若爲重顏況青年男女天姿既美更如以修飾豈不愈見嬌豔耶婦人洗面後先敷此膏後再敷粉光潤細膩迥異尋常尤有要者冬令嚴寒之時用此膏敷於面手之上絕無凍裂之患如已患凍裂敷之立愈此誠不可多得之妙藥也

不老益壽散

救世活人

此藥能培養血氣壯健筋骨平理肝火滋長腎水補腸胃潤澤肺腑舉凡一切虛勞傷損元氣與不復元者服之立見奇效本行此方得之異人所授又不惜資本揀頂高材料虔心製造久已馳名日本今來中國仍照前配合此藥以爲救世活人之計業蒙中外仕商謬爲推許竊查人之年壽永與不永支那之俗率談之天命愚以爲不然譬如樹木日刪其枝幹剗創其根株即長松老柏立卽萎敗如能灌溉加意培養卽寸莖尺木於數年而濃蔭森然樹木一也其榮枯消長只在乎培養與鬻喪之分也木猶如此人何以異故補益之功衛生者之必宜講也惟是補益之藥其性類多燥烈中國又多往往不受補之人嘗有日服補劑而其病勢轉增劇者非果所劑之爲害也亦其藥料之未善耳此藥一以滋補主而日久常服其性絕不燥烈無舌乾眼昏多飲減食之病故與他種補藥迥不相同卽無病之人日日常服其收效尤神益非筆墨之所能盡述也尤有大益者凡虛勞之人其腎氣不足養育爲艱甚至有終身乏嗣者此人生之大戚也久服此藥能滋腎壯陽暖精種子誠爲蕃育人種之妙丹也猶不止此世之吸鴉片烟者甚衆而煙癮太深者戒之甚爲不易強力戒之必生後患因而傷生者十常八九旣戒而復吸者亦十之六七以中國四百兆人民之衆坐此衰弱豈不大可惜乎若能常服此藥散久久自能使烟癮暗除永不吸烟且戒烟以後百病不生與他家所賣戒烟丸名爲戒烟實則直吞烟灰日後必受大病動卽傷生其損益不可同日語也名曰不老益壽蓋就其功效而直言之耳史記云古無不死之方而今之有之曷可忽乎哉

天津宮北大獅子胡同陞恒洋行藥房白分設北京前門外觀音寺賓宴樓內

潤肺止咳散

人之一身皆以肺爲本肺氣一燥百病叢生咳嗽治之則變爲哮喘肺癆難治之症此藥實稱潤肺良藥無論內感外發症之輕重收效如神貴官紳散藏之可以有備無患矣

天津宮北大獅胡同陞恒洋行藥房

義之後人告白

商  
品  
陳  
列  
館

開闢內外鐵路總局廣告

啓者前因日俄開戰禁運貨物出關現在和議告成已弛禁令以後運往關外貨物本路照戰前一律裝運並不禁阻特

此佈聞

車務處謹白

瑞生機器洋行告白

啟者本行專運德國名廠各種機器五金雜貨鐵軌以及蓋洋房應用之木骨各樣新式之門銷各款頭等鉛油現由德國新到樹屋花紙此紙原為外國紳富商而備非尋常之紙紙可比也如貴商欲用此紙者請來本行面商價值亦從廉並有新到各樣電燈電線及批發俱各樣花色蒙遠近批發美商松木板花色樣式請來本行面商可也價值無不從廉本行開設馬路口下法界久福源網鋪旁邊便是

本行啓

英國第一等著名之  
火險公司西名八里  
汀今將天津北京塘  
沽北戴河山海關保  
險生意專任敝行一  
家經理無論城內外  
棧貨鋪房產均可代  
保賜顧者請至紫竹  
林英租界本樓帳房  
面訂不誤 本行啓

同慶煤廠

本公司開設天津河東陳家溝火道旁自煉各種焦炭頭二三號之水貨一概俱全此貨管保無不應手價銅鐵工功值格外從廉如賜顧者請至本廠面議可也

本主人啓

連陞輪船	又	開往煙臺上海
新裕	又	開往煙臺上海
新豐	又	開往煙臺上海
泰順輪船	又	開往煙臺上海
安平輪船	又	開往煙臺上海
奉天	又	開往煙臺上海

西口開界租本日設開

園茶仙天

●班◎鳳◎鳴●

演開鐘點二十早日七初月十

一張馬降臨張王金角坤等頭正真劉黃王麻盛  
程少吉風寶云金角坤等頭正真劉黃王麻盛  
族棠祥油花美紅仙(紅雲杜)奎奄處廷紅奎

演合武文班全玉錦演合類特商江鎮宇虎白鶴  
杰巴刺(玉錦)演合類特商江鎮宇虎白鶴  
和順巴嶺聚聚(山家)演合類特商江鎮宇虎白鶴

計疑三

演開鐘點七晚日七初月十

馬角坤等超正眞張花名一角坤小輕草小靈王  
吉祥英蘭小少貴白程小靈翠小上五座座  
演排棟特商洋演飛入豬趙楚坤聖仝伯白戰短  
計城空演入豬趙楚坤聖仝伯白戰短  
(說馬斯▲章街失)鈴魂飛宮山龍鐵鏡傳開

◎街對院醫洋北口家馬界租法津天◎

號祥達

洋罐頭食  
洋酒餅干  
砲台接臣  
煙捲呂宋  
煙捲手帕  
胰香水器  
及一切料  
均皆齊備  
衆格外公  
如蒙賜顧  
任商光臨  
幸移玉趾

本公司現有  
製數十座並  
樓二三間  
平房二三間  
間後面皆有  
小房又三間  
落在西園織  
絨廠傍如欲  
租者房金格  
外從廉請移  
玉趾至禮  
臣洋行面議  
可也  
興業公啓

銀	銀	化寶銀	足金	●本日
元	元	銀	金	銅圓
枚	分	每兩合九七六津錢	三十三兩八錢	市價
合當十銅元九十三	合公砵平銀七錢二	二千七百四十五		

路馬大東門北設開  
 園茶芳繪  
 班名利吉大都京請特  
 演開鐘點二十早日七初月十  
 劉元牛金李王劉張第一第郭張孟小陳何王李瑞八  
 長元春福順益鑾一第角押仙益馮孟俊壽克三九百  
 藝旦化仙來芳慶秋芬惠小舟芳壽七廷春琴臻山黑  
 行武  
 代髮割  
 首金  
 城宛戰  
 紅全堂滿  
 演准鐘點七晚日七初  
 李孟牛陳三小玉劉金劉坤王孟牛金王劉郭八李  
 順鴻春俊廣盛長福吉小永馮春福長長仙百玉  
 來壽化廷子七芳林仙慶處雙全壽化仙芳騰舟黑廷  
 本四三第演接類特商紳煩演合武文迷全吊雷五  
 雞  
 圖勝  
 得得  
 蘭蘭  
 娘娘  
 拿花  
 人捉  
 金龜  
 玉麟  
 珠冠

● 旁號銀官路馬北設開 ●

**大觀茶園**

班名和勝寶都京請特

演開鐘點二十早日七初月十

趙劉小九小驢有韓高張連林子小孫真正超等  
鳳凰春內春紅春內春紅春內春紅春內春紅  
曉恩玉桃桃銀仙紅保安珍來翠紅來祥雲

{ 日 今 戲 日 }  
 演 演 點 七 晚 日 七 初  
 角坤一正真子林郭劉高九馳趙宵小九馬張蔣  
 小恩小福福高陳肉玉豔國春陳長馬雙桂  
 桂桃峯曉翠報仙慶祥安風紅雲珍來風德德全山

全 文 班 武 名 角

今 晚 堂 會

新 譯

教育實用心理學出版

原書係日本  
泉師範教授  
現又為彼氏  
通君之教本  
房君親承講  
而譯成書  
簡潔明暢  
國師範科  
東洋美術  
均極精美  
一本定價  
六角五分

直隸官書局

北京華新書局告白

今者科舉已停後學童皆須入小學堂以造就成才而中年以往之生童文學素既已略涉藩籬自當研究新學之旨以爲小學師範之資本局爲扶助教育界起見茲擬編纂小學各科教科書及教育科學等書以爲小學堂師生之所取資頃已延聘通儒分任編纂茲已編成師範必需教育學一書以備小學教習之用初等小學中國地理教科書一書以備初等小學諸生之學現已出版凡初等小學中國歷史教科書高等小學中國地理教科書小學校管理法小學各科教授法附改良論現已編成付印即日出版凡小學堂諸君惠顧者如躉購足五十部者可移玉本局面議折扣 北京琉璃廠西門外迤北香爐營一條胡同西口華新書局廣告師範必需教育學每部大洋六角 初等小學中國地理教科書每部大洋一角五分

新接各報

本埠新出津報○北洋官報○中外實報○日日新聞青龍報○多聞報○直隸白話報至十四期○拼音字母官話報至卅一期○北京啓蒙畫台之學報一至十三期○上海時報○中外日報○新聞報同文滙報○中華報○北京報○京報○順天時報○北京女報○華字彙報○諭摺彙存○時事探新○閱鈔彙編○

○南方報○繡像小說○杭州白話報○四川啓蒙通俗報○江西中外章程○蒙學彙編○新加坡閩南日報○教育雜誌一期至第十期○地球韻言○小學韻語○

課圖說○蒙學課本十五種○天津鐵箱最新地圖每份洋三角賜顧 諸君本埠風雨勿阻外埠原班同件 天津鄉鄰南舊報處李茂林啓

昇大馬車公司

本行開設法界馬家口德義樓南首聘請浙甯名司事造各國時樣馬車應用一切木料鐵器等件皆由外洋自運木料貨質堅固車式玲瓏比衆不同如蒙中外官商賜顧或修或造均可務請駕臨本行面議其價格外從廉以廣招徠此佈

本行啓



### 各省新聞

#### 山東

●大興地利 東省黃河為害甚鉅近數年幹枝各河所漫溢之地雖山東大吏欲將該地改為耕稼良田但河防各員均不能盡厥職自楊運帥蒞任東撫力求整頓所有河灘土地事宜以藩台吳方伯為總辦都觀察為會辦分地段以便出租近來各大吏頗為注重以為有此進項可集鉅款

●濟南商會總重上商務局稟文 為稟請轉詳事竊商董等辦理濟南商會已及三年風氣未開諸事均難著手去歲因與地方官吏交涉日多曾經訂立便章稟明憲局詳請撫憲批准遵行在案章程內載歷城縣於濟南在會各商號均須認明門牌憑單一律認真保護除遇緊要案件外如有傳訊各商人之事須預先知會商會同辦理等語查自定章以來在會商人尚無赴縣控告案件惟近有狡黠之輩專以訟事拖累商家該縣不知被告者為在會商人往往違出傳票及至商會聞該商來告始行函請該縣將該事太煩每不能親自檢閱一經展轉業已提到過堂無論該縣對於該事斷難剖晰其清即如一堂斷明商人之受虧已鉅現在在商董等屢奉 商部訓文諭令聯絡保護並蒙憲台時常到會凡遇商人受患之事無不極力剔除若竟令無辜商人時受訟累既不足仰承憲意復無以悅服商情商董等愚見擬再申定前項辦法以後凡有歷城縣票傳在會商人之事除緊要案件外經商會函知該縣該縣即應將傳票收回免其到堂訊問如該縣門丁差役有借事需索情事准由商會稟明憲局提議再商會稟請憲局發交該縣傳訊之案應由該縣會同憲局駐縣審判委員提案辦理該縣如無暇親自過堂即由憲局駐縣審判委員提案辦理該縣他項審判案件委員一概不得過問如此辦法庶足以免紛岐而杜流弊如蒙俯允即求詳請撫憲批飭該縣遵行商董等為整頓商會起見是否有當伏候鈞裁

●籌辦醫院經費 中西醫院總辦陳觀察恩壽具詳撫院以醫院經費以東海關關平盈餘一項為大宗自盈餘銀兩奉商部提撥後只有常款一萬二千金上年添聘洋員增設醫務院支銷更多每年經費不敷萬金請飭設法籌撥以維善舉當蒙批行藩運兩司東海關等款局核議撥發等語以認解醫院經費本有籌款項下之七千金釐金項下之二千金擬再添撥一千三百金共湊足四千之數已咨請藩司吳方伯彙案詳辦矣

●稟設農學堂 濟甯州王直刺近設農學堂並擬規則八條其稟撫轉奉楊中丞批示云該州以民智未開利源未闢注重實業稟請於農桑會附設農學堂招生二十名課以淺近學術以期改良農桑所辦甚是惟所擬學年限查與奏定初級農學堂章程不符目前關於經費因地制宜姑准試辦以後仍宜籌經費添聘教習詳定課程總期與奏定章程符合以昭劃一仰農工商務局會同學務處轉飭遵照

●稟請撥用外省銅元 山東大憲於上月札飭全省徵糧收稅均以制錢與本省銅元各半交納其外省銅元只准市面行使近據濰縣李大令通稟謂該縣只有外省銅元本省銅元尚未頒發到境若以後徵錢糧一概不取恐致騷擾應請准以外省銅元與制錢搭用交納俟本省銅元發到再行遵章辦理

●熱心興學 平度州有典商七家今議捐京錢二千串作為學堂經費曹刺史以該商熱心興學殊堪嘉賞遂將典鋪舊有差費五百餘兩一律撤裁以示鼓勵

#### 山西

●商部查辦商務立勸工場 為咨行事准駐日楊大臣咨送日本東京府共進會章程譯本當經本部刊印成書以備通行頒發本年五月二十六日復准駐比楊大臣咨稱具報遵 旨赴賽原奏內開各國賽會循環迭更於開闢一舉固以調查工藝鼓舞商情其實開會之國意在與盛地方爾時商貨自關稅鐵路輪船以遠市肆工業驟增鉅款舉凡奇巧新製製造靡不呈羅棋布真堪嘉許歐洲輪路交通商賈躍躍所宜然日本以東陸運國亦復駕輕就熟無異歐西獨我中國風氣甫開商情扞格歷屆以官貨入賽實為各國所無際此商戰之時亟宜勸勵工商力爭進步未可恃官貨為久計等語查此案黎案斯賽會華商由美國散魯伊赴比接賽者僅有七人內地臨賽除兩江兩湖浙江四川等省外未據咨報有案且官貨較多誠恐該大臣所稱風氣初開商情扞格至歷屆以官貨入賽匪特難以為繼而工業不進實無以自立於商戰之場應由各地方官體察地方情形先就大城巨鎮設立勸工場備列出產貨物工作器具縱人游覽俾各項工業商賈比較參考五求進步並隨時調查本地工廠有無增減工匠有無新製逐一校核嗣後遇有東西各國賽會之時一經曉諭赴賽自多除京師已由本部奏設勸工場外相應咨行貴撫查照飭屬切實與辦隨時呈報立案並咨送譯本共進會章程以備參攷可也須至咨者

●江蘇

●天生港開埠先聲 通州張叔儼觀察前日接滬關來電謂稅司殷君日內來通商議天生港開埠設關各事已就大生紗廠預備旅館並召譯多員前往接待

●尊翁棉花捐款 常昭兩縣素為種植棉花之區前奉省憲札飭加捐以商情不順遂作罷論近經鄭和卿翁志吾兩大令一再開導始於上月議定子花每百斤加抽洋二分花衣每百斤加抽洋五分於日內詳稟到省

●整頓餉項新章 已革太湖水師左營管帶王錦堂侵蝕餉銀改為虧欠贖銀從輕了案茲據開辦督練公所現當整頓營伍各營員弁赴扣餉銀久已視為應得一經查究輒以截贖為推諉之地此後未便寬容爰定新章札行各統領統帶營令將兵勇實數造具清冊限五日一報庶名額一有虛懸餉項即可截止以肅軍政而杜弊端

●蘇撫批斥稟留校士館 蘇垣諸生稟改校士館為學堂一節茲將陸中丞批詞錄下據呈科舉已停校士館後同虛設請改為學堂添課新學諸生以試院為講習之所無須添建屋宇以紫陽正誼學堂古平江四處之款應用無須別籌經費等情本部院查試院為學政掄才之地現歲科考雖奉 旨停止而學政專司校學堂事務將來如按臨各屬或在學堂或在試院均難預定至書院經費一項紫陽正誼向由潘紳經理現據王紳同愈等稟請設立學務公所稟集公款推廣學務並接蘇省京官都察院陸公電以資與校士館各款本由地方籌集應全數改充公立師範小學堂經費請飭公舉紳董自行辦理萬勿移撥等因當以京外官紳所見皆同自應准予歸入學務公所專司經理所有從前校士館肄業諸生人數較多應如何妥籌辦法業經批抄電札飭學務處查核妥議詳復察奪在案

#### 安徽

●學署移省 安徽學政衙門原設太平府城茲學院函致撫院謂現奉 明諭學使署專司各學堂事件可否飭司籌款將衙門移至省會以免僻處一隅籌辦各事諸多不便云云聞撫院業已會銜入奏矣

●習藝所暫緩開辦 蕪湖東門外有隙地一所前經委員費午奉奉軍會同前蕪湖縣署大令勘定作為建造習藝所現經新任沈大令會同委員勘驗該地尚嫌狹窄且各州縣解來開辦經費尚不敷用常年經費亦未籌及不知何日始能開辦云

●米市近情 今秋蕪湖湖漕運米糧頗為折本現已停辦煙台幫亦因米業行情不佳相與裹足現在惟廣幫稍為採辦然未能如春間之踴躍值此新糧上市生意極衰總因買賣賤商人無利可圖動至虧折巨資故咸視米市為畏途

●稟請入學 德化生員廖濟寬稟懇中學堂監督府尊孫景裴太守准予肄業太守批云該生既請入堂肄業具見有志向學深堪嘉許現在中學堂已擬添設學生名額俟定期開考可也

●學生退學 高等學堂英文教習羅某出課試學生題目錯書一字學生大譁全班齊散現該總辦已從中調停矣

●國民教育停辦 歐陽溥存兩君所創之國民教育部因招生不易已於前月停辦現歐陽溥存及義務教習朱君君均入各學堂肄業矣

●私售小票 南昌縣差頭鄧耀亭近在省城開一必中彩票公司出售小票日開銷行頗盛大吏雖有禁售小票之諭而該差頭若未聞知仍開設公司私相售賣云

●盜賣基地 龍開河將開鐵路地價驟昂奸民迭以他人之地盜賣與人地販王全濤即乘縣令新舊交替之際將已項與鄭德慶南順記等昌之地私行項與英商成交涉經新任德化縣龐大令與英領事會商訊究未下可否和平了結云

●稟開梨園被逐 職商張飛鳳近稟某縣擬在省城開設戲園旋奉批駁飭縣嚴行驅逐出境無許逗留並立案永遠不准開設云

#### 浙江

●鹽商稟請自辦巡務 浙西鹽運自外巡李統領辭差後經蘇五屬商人以接統無人稟請暫歸運司節制後適值內巡劉統領丁艱總商沈協軒遂稟請浙鹽運憲將內外兩巡統歸運司督辦以期整頓近蘇五屬商人又復稟稟各運憲請以總商充當內外巡統領現尚未奉批准

●會辦易員 浙省銅元局會辦候補道朱觀察職出差赴中丞劉觀察觀察永演接辦聞朱已於上月中旬偕同降補府經縣丞之許豫生乘車赴滬矣

●搶案破獲 甯波郵東路頭陳姓家日前被盜一案已由城守營在蔡耶橋查獲匪類張阿四一名搜獲手槍一械當送縣署訊明供出同黨高太令派捕前往搜查果得某等匪類六名

### 起獲零星贓物並將容留之某庵住僧帶縣訊究

#### 湖北

●兵部公費彙解 兵部奉准化私為公所有各省武職應交公費零星交納往返維艱現由兵部收支所行咨鄂督以後各省滿漢武職呈交各公費其守備以上佐領以上等官所交公費由督撫將軍都統副都統將各員已交款項按四季分別解部或附入驛站註銷項內搭解以省文移

●完稅糾葛 八省開辦捐捐以來所給商家稅票祇有湘鄂字樣日前土商福康永承運完稅土藥三十擔行至九江該局以該省并未標明立即將貨扣留運商不得已返鄂與統捐局交涉

●機器開礦 永州府黃陽司高溪司一帶產煤甚旺已經陸續開採近有甯波富商邀同該處王紳合開一礦寬籌資本購辦大號機器到永汲水取煤頗稱便利聞每日可取煤三四千石將來獲利之厚當可操券也

●允減車捐 湘省現在盛行人力車現已有二百餘輛倘覺不敷警務總局遂訂車捐新章每車一輛擬月捐洋銀二元以充局費後經合同司職商楊松泉等以生意清談再三稟懇減收一元五角以恤商艱聞已奉批允准矣

#### 湖南

●土商擬請變通膏捐 漢廣川土幫會議謂川土一担運至宜昌約應加釐稅繳費銀八十餘兩今宜昌又加膏捐銀五十二兩合較已過買本河南錫山土不由宜昌僅加膏捐銀八兩故錫山土暢行川土滯塞擬上稟當道設法變通以挽回利權

●廣東

●開辦水面警察 粵省水面巡警擬於十二月初一開辦以黃埔松為總辦其辦法分東西南中四局以海珠砲台為中路總局 一東路分局在東便水面設船排為之其界域巡至鴨墩關為止 一南路分局設在黃沙水面亦用船排以黃沙車站頭及石圍塘花地河口為止界其輪四段設小汽船四艘每段一艘洋式舢板二十四艘每段六艘每艘巡兵七人

●整頓課吏 粵省課吏館設立數年肄業各員平日多不往館課日則循例一到其課題又祇試策論與從前月課名異實同日趨腐敗現雲帥札行該館長將課程規則大加改良開分法政裁判教育三科法政裁判科員可派往各屬辦理發審判訟教育科員可派往各屬辦理學務庶幾吏治漸臻美善

●議裁武缺之計畫 粵省裁武缺之議紛議未定前擬全行裁去後又議武缺仍舊惟營兵則裁七留三武缺所收之二成賭博規費提七成歸善後局留三成為該缺辦公之用頃水師提督李軍門準又咨行雲帥議將全省武缺擇其緊要者約留三成裁去七成其三成規費未裁之缺照舊至已裁之缺則全行提歸善後局雲帥已核准電行沿海鎮副參遊各武官矣

●鉅款難籌 京師練兵處日前行文來粵飭粵省每年籌解練兵處經費八十五萬兩當經雲帥會同司道各官妥議由地丁項下撥十二萬兩鹽庫撥三萬兩祇得此數容復又奉到練兵處火票以前次指撥之款無論如何為難必須如數籌足目下祇有裁兵一款加以各屬地方官二成規費合計亦不足三十萬又聞本省駐防滿漢旗亦須先裁二成其餘則按年遞減以十二年裁清騰出餉項以為練習新軍之用

各國新聞

●非洲亂黨與革命黨聯結 柏林二十一號電云德屬東非洲亂黨代那姆威現已與革命黨聯結共謀叛舉 譯東京津太晤士報

●英官捐款賑災 英國駐日大臣馬德納爾贈日本艦隊統領洋三千五百二十一元聲稱此款係橫濱英艦隊之武員等捐助以爲賑濟米達塞(譯音)地方之災云 譯上海太晤士報

●美之名士 美國民政黨之名士福蘭英以十四日抵橫濱按氏以下八百八十一人卒業於借庫遜維爾之醫利農大學八十三年後卒業於西卡鄂之游尼翁法科大學九十六年以總代資格演說財政問題在該大會被選爲大總統之候補者運動選舉奔走至一千八百英里所至演說熱率以不敵麥堅尼而敗 譯東京日日新聞

●遊歷橫濱 英水師統領那義之夫人并女公子由威海衛乘坐英艦名阿拉瑞泰於日前來遊橫濱停泊未久即於是日開往日本東京現該夫人偕其女公子均住於地達池(譯音)宮內閣日後款待甚優云 譯上海太晤士報

●俄國民亂近況 柏林十月三十日電云日昨俄國境內尙爲安靜滋事工人等祇在孤單鎮市擾亂米爾爾地方與彼得厚夫地方中間郵件尙可通行現俄國財政大臣擬俟亂事平靜後即行籌辦國債俄政府所訂之新律例不久即可頒行也 譯東京日日新聞

●日本赤十字社之成績 日俄開戰以來日本赤十字社實行救護事業之成績據其最近調查之概要如左

- 一 內外派遣於病院船之救護員 四千九百餘人
- 一 所救護患者之總數 七 萬人
- 一 救護費用 四百七萬餘圓
- 一 歿於職務之救護員 七十八人
- 一 內譯醫員三調劑員三書記二看護婦二看護人長四看護婦二十二看護人三十一輪送人十

譯北清新聞

奏議

外務部奏議覆海州自開商埠摺

奏爲遵 旨議覆恭摺仰祈 聖鑒事光緒三十一年八月二十四日准軍機處抄交署兩江總督周馥等奏海州商務漸興擬請自開商埠一摺又海州紳商請行駛小輪一片本日奉硃批外務部知道欽此欽遵至部查原奏內稱江蘇海州直隸州地瀕大海界連山東民風勤樸素務農業近年紳士翰林院編修沈雲沛道員許鼎霖等設立豆餅麵粉麵粉三公司生產漸多風氣較前開闊現擬請查勘地畝立商會凡有益農商各事皆應擴充辦理實力振興該紳等來省面稱海州臨洪口本爲行海船停泊之所其海州所屬贛榆縣之青口碼頭亦爲停船集鎮近年土貨日多因無輪船販運不大暢銷應請開通商埠以利中外商業且賦稅所入不無裨補等語訪察輿論疊經派員詣勘大致相同因函商總稅務司赫德派善於測勘海道之理船廳戴理爾前往會同官紳查勘

十月初七日

津報第十四版

十月初七日

旋據戴理爾回稱臨洪口開設商埠最爲相宜其口內數十里吃水深八尺之船可以停泊北距臨洪口數十里青口地方口內河水較淺應作爲分卡將青口之河擇其路近處所開通併歸臨洪一口則於河道商務均有大益每年土貨出口可值銀五六百萬兩洋貨進口尙難預計惟該處灘寬遠應建碼頭房屋駁船路等工尙須籌畫至口外十里海中數島可以泊船不能避風若欲加築堤岸費工太鉅不如運用淺水船運貨較爲合算等語接晤官紳證以圖說所言亦均符合既衆議合同應請將海州臨洪口作爲自開通商口岸青口及其餘各口可以設卡收稅之處均作爲該關分口懇 飭下外務部戶部議准施行至航路沙綫輪船停泊處所仍應派員勘估詳細測量應建碼頭各項工程俟測量後再行派員勘估該關應否即名爲海州關併由外務部一併議復又片稱海州居膠州上海之中爲航路往來必經之道該州紳商疊來陳請擬自雇小輪裝運貨物來往行駛查與內港行輪章程相符自應照准該紳商等並稱近年各處開辦新關所需各費皆由本關籌墊俟稅收有成數再行歸還現在雇輪試運稅務無多請即以輪船所納稅釐留作建築碼頭等事之用如將來尙虞缺乏紳商願息借銀兩湊用隨後由官歸還以期早日辦成查所稱各節均係遵照向章應准其行一併詳叙奏明辦理等語臣等竊維現當振興商務風氣日開各省內地當亟思自開商埠海州爲沿海要區其形勢既宜設埠近年土貨出產亦多自應及時布置推廣商業而利權權督等擬將海州臨洪口作爲自開通商口岸既出自紳商籲請又經派員查勘衆議合同應請准如所擬辦理即名該關爲海州關由該督等查照各處自開口岸辦法妥擬章程開辦其輪船之費口及其餘各口可以作爲分卡之處亦應一併設立惟分口恐收稅無多如開濬淤灘加築堤岸等事工費過鉅則又當分別緩急酌量施行以免得不償失至行輪與開埠事宜相需而設該處既開爲通商口岸該州紳商請自雇小輪運貨應令遵守內港行輪章程由該口或駛往他口或駛往內地均可准行又該紳商等請以行輪所納稅項留作建築碼頭等費及自行息借銀兩湊用隨後由官歸還各節查各處開辦商埠所需經費由本省籌墊俟關稅有成數陸續歸還歷歷有案今擬以小輪所納稅項與各工即自本關之款供本關之用由紳商息借銀兩湊用亦係該省自行籌款之法均應照准惟行輪單原爲自保利權切不可借用洋款致滋轉轄所有該紳商等自行息借銀兩仍應由該督等將如何息借如何歸還之處先行分別報部立案以備查核所有議覆海州自開通商口岸暨行駛小輪各緣由理合恭摺具陳伏乞 皇太后 皇上聖鑒訓示再此摺係外務部主稿會同戶部辦理合併陳明謹 奏光緒三十一年九月二十六日具奏奉 硃批依議欽此

戶部奏核覆金銀庫出入銀錢數目摺

又二十八分 盛京將軍等衙門支領探買心紅紙張八折實銀三百兩零八錢九分二釐零大制錢一百三十三串文零又祭祀採買供解香燭茶蔬紙張雜用等項八折實銀一百一十七兩二錢六分七釐又 盛京戶部衙門官員公費八折實銀四十八兩五錢二分零又宗室營左右翼宗室等補領二十七兩分養贍地租八折實銀一千零八兩又官莊等處買補倒斃牛驢價八折實銀五百九十九兩七錢六分又倉庫棧房夜捕

手校尉及各項匠役人等口糧價六成實銀四百五十九兩五錢九分六釐零查以上各項共支銀六千九百二十七兩五錢五分九釐零大制錢一百三十三串文零雖係例支之款惟兵燹後案卷不齊無憑應對應令將二十六年以前最後一次臣部覆覆原案抄錄送部再行核結 一冊開除給過黑龍江王年俸餉銀二萬兩又前借災賑銀一萬五千兩辛丑壬寅兩年俸餉大制錢三千零五十五兩六錢五分查前項給過黑龍江俸餉銀錢及前借災賑銀兩應令黑龍江將軍查明數目是否相符並將前借災賑銀兩係於何年案內動借會否報部有案迅即聲覆報部以憑查核 一冊開除二十七年八年給過 盛京兵部咨領二十八兩九分分發馬草豆並買補馬價等項內除扣還馬乾銀一千三百五十六兩七錢五分不計外應放八折實銀三萬六千八百四十三兩四錢內扣收銀二千一百七十八兩零四分不領外實放給銀三萬四千六百六十五兩三錢六分又咨領小凌河驛車價六九折實銀四十四兩六錢三分三釐零又咨領站夫工食實銀七千五百兩內放銀六千零五兩其餘銀一千四百五十五兩折放小數錢一萬一千六百兩查前項馬草豆並買補馬價各項銀兩核與二十一年以前之數均有增加增實增自何應令查覆報部以憑核又小凌河驛車價銀兩檢查兵部知照核議二十八兩分驛站奏案內並未收有此項究竟歸入何年何案列收應令一併查覆以憑核結 一冊開除二十七年給過 盛京禮部咨領壯丁墊辦祭品市平銀五百兩又二十八分零又二十七分 盛京禮部兵刑工等四部咨領津貼實銀二千兩又二十七兩八分分發買項青茶小數錢四千四百七十七兩二錢 盛京刑部咨領秋審公費實銀一千零五兩查前項給過 盛京禮部兵刑工等四部津貼及採買黃雲緞項青茶並致祭科爾沁扎薩克親王羊酒等項銀錢均於何年月日報部有案又項青茶黃雲緞各價值冊內亦並未聲註臣部無憑查核應令查明聲覆以憑核結 一冊開除祭品採買果品銀兩前經臣部行查現據聲覆到部應歸另案查覆辦理又 盛京禮部咨領壯丁墊辦祭品銀兩究竟墊辦何項祭品何時報部奉准有案應令一併查覆 一冊開除祭品公費銀兩於何年月日報部查核冊內亦未聲註應令查明報部再行查核 一冊開除二十八分 盛京工部咨領修理福陵太妃園寢並東西配房等工租賃木實銀三十兩三錢九分七釐零大制錢五十七串九錢又修理 福陵太妃園寢並東西配房等工暨 昭陵膳房油面房冰窖等工工料市平實銀二千九百二十九兩一錢二分六釐又修理昭陵冰窖燒造琉璃瓦料實銀四百三十四兩二錢四分五釐零查前項支款查據工部覆稱 盛京工部咨領修理福陵太妃園寢並 昭陵膳房等工前經 盛京將軍奏明請修當經行令工部造冊送部至租賃木銀兩亦據 盛京工部咨報有案均未據造冊送部等語所有前項工料銀錢應俟該省造報工部核覆准銷知照到日再行核結至琉璃瓦料一款該省向按折減章程支結此次何以支發實銀應令查明聲覆以憑核辦 一冊開實存銀十九萬二千七百四十二兩九錢八分零大制錢九千一百三十六串九百四十二文零

文苑

清平樂

還琴

人天無據芳華東門路等語嗚呼半憶汝翠羽涼蟾何處心碧海難量吳棉初耐新霜祇恐江南秋老懶懶瘦損垂楊

獨立篇 獨立獨立君歌我泣泣無人知歌無人惜 燕燕雙飛在誰之堂春來秋去離合無央 河源昆侖流水能西如何大江東去不同 昨日花開今日花落四顧天地有酒斟酌

我所思 我所思兮江之隅愛而不見心踟躕孤鴻過天作人語經冬歷春無寄書

本報徵文告白

本報徵文大意已詳九月十八日報端諸同志有惠寄大著爲本報所登載者每篇贈銀五圓不登者恕不還稿特白

天津府署東各報總派處梁子亨

名醫

黃卓生	李嘉樂	梁植光	陳蕙超	黃祝生	林芸浦	劉祐唐	李子琴	嚴少浦	同啓
胡藻華	劉少泉	陳雪岩	嚴兆貞	李采繁	郭蔭順	何新堂	李宏基	饒華廷	

**同宴樓洋飯店** 啓者本店擇於四月十三日開市入座事做包辦英法大菜西式點心各國馳名洋酒汽水等諸品罐頭食  
物俱全樓房寬暢陳式幽雅菜蔬鮮明堂宿侍奉週到特請上洋著名廚司比前不同 貴官商駕臨親嘗  
試之便知所言不謬也或者 貴官商在府諸客設筵宴司亦可親到而且另備外洋頭等器具煥然一新並運到呂宋烟紙烟膏  
薑批發價值格外從廉本店開設日本推廣租界旭街大洋樓房便是 同宴樓主人啓

啓者本行開設英租界中街朱家胡同東口專辦祥茂身緒昌皂有數箱賜顧者請至本行面議可也又新到祖家香面其香異常能除瘟殺蟲比樟腦加倍應效

合隆洋行啓

啓者本號發賣自運福建  
檳木大小桶板樓房木料  
天棚料樟楠木料自運東  
溝松木等連料板檳枋秋  
鞭黃花松方大小長料均  
有東洋道木桂木松木各  
樣木料薄厚板片一概俱  
全零售發莊正價值格外從  
廉發賣真正金絲楠木獨  
板杉木書板經木大小材  
料南式行材貨價另外公  
道與衆不同 仕商賜顧  
者請移玉駕臨本號面議  
特此奉告 本號主人啓

各種碩木並鬱木椅子油漆條臍洋燭以及大小機器全副牆邊火爐尙有各種進口貨偷蒙 賜顧請臨本行面商是幸 本行謹白

**北京工藝商局廣告**

本局自造景泰號陳設器具細絨地氈出洋賽會屢得超等文憑最合貢贈奎禮之用各種西式木器工料與衆不同金珀明珠珊瑚頂子及玳瑁象牙諸品幼學地理知方圖均極堅美在北京琉璃廠天津法租界福源樓間壁兩處分售格外價廉此啓

表 刻 時 車 行 上 日 逐

[illegible]